



Бугуннинг гапи

## КОНСТИТУЦИЯНИНГ ЯГОНА МАНБАИ ВА МУАЛЛИФИ ХАЛҚДИР

Баҳром АБДУХАЛИМОВ,  
“Адолат” СДП Сийёсий Кенгаши раиси

Президент Шавкат Мирзиёевнинг Ўзбекистон Республикаси Конституциясига ўзгартириш киритиш ва ташкилий чора-тадбирларни амалга ошириш юзасидан Конституциявий комиссия аъзолари билан бўлиб ўтган учрашувидаги сермазмун нутқини диққат билан тинглаб, халқимиз учун, инсон кадр-қиммати учун яратилаётган имкониятлардан руҳландим.

Кўп нарса қиёсда намоён бўлади. Дарҳақиқат, давлат раҳбари алоҳида таъкидлаб ўтганидек, олти йил олдинги халқимиз билан бугунги юртдошларимизнинг дунёқараши, сиёсий фаоллиги ўртасида катта фарқ бор. Шу сабабли ҳам халқимиз мамлакатимиз бўйлаб намоён бўлаётган глобал ўзгаришларни теран англаган ҳолда, Олий Мажлис палаталарининг конституциявий ислохотларга оид қарорини қўллаб-қувватлаётгани Президентимиз томонидан алоҳида эътироф этилди. Дарҳақиқат, инсонни кадрлаш, унинг умумэтироф этилган ҳуқуқ ва қонуний манфаатларини ҳимоя қилиш орқали халқимиз фаровонлигини юксалтириш, жамиятимиз ва давлатимиз тараққиётига хизмат қилиш ниҳоятда аҳамиятлидир.

Президент маърузасидан маълум бўлдики, конституциявий ислохотларнинг туб негизи “Инсон манфаатлари – олиқадрият” шioriга асосланган. Бу, албатта, инсон манфаатлари ҳамма нарсадан устунлигини, давлат машинаси, аввало, инсоннинг бахту саодати учун ишлаши зарурлигини кўрсатади.

Учрашувда Президентимиз киритган таклифлар ҳам мажлис қатнашчиларида катта таассурот қолдирди. Давлатимиз раҳбарининг ҳар бир сўзини диққат билан тингладик. Юртбошимизнинг барча айтган сўзлари юракдан отилиб чиқаётганлигини ҳис қилдик.

### Халқаро конференция

Жорий йилнинг 20 июнь куни Хоразм вилоят ҳокимлиги “Кенгашлар уйи”да “Инсон – жамият – давлат” конституциявий тамойилини амалга ошириш: миллий ва хорижий тажриба” мавзусида халқаро конференция ташкил этилди.

## УРГАНЧ ДЕКЛАРАЦИЯСИ ҚАБУЛ ҚИЛИНДИ

Конференция ўтказилишидан асосий мақсад – “Давлат – инсон учун” ва “Халқ давлат органларига эмас, давлат органлари халққа хизмат қилади” деган эзгу ғояларни ҳаётга татбиқ этиш бўйича миллий ва илғор хорижий тажрибани ўрганиш, мазкур тамойилларни конституциявий қонунчилик ва амалиётда мустаҳкамлаш борасида чуқур асосланган таклифлар ишлаб чиқишдан иборатдир.

Ушбу форум Ўзбекистон Республикаси Конституциясига ўзгартириш ва қўшимчалар киритиш юзасидан таклифларни шакллантириш ва ташкилий чора-тадбирларни амалга ошириш бўйи-

ча Конституциявий комиссия иш режасига биноан Инсон ҳуқуқлари бўйича миллий марказ, Барқарор ривожланиш маркази, Ўзбекистон Фанлар академияси Давлат ва ҳуқуқ институти ва Хоразм вилояти ҳокимлиги томонидан Европа Иттифоқи делегацияси кўмағида ўтказилди. Унда дунёнинг 30 дан ортиқ мамлакатлари вакиллари, 300 дан зиёд миллий экспертлар, Олий Мажлис сенаторлари ва депутатлари, академик ҳамжамият ва фуқаролик жамияти институтлари вакиллари, сиёсий партиялар офлайн ва онлайн форматда иштирок этишди.



Бугунги кунда янгиланиб бораётган мамлакатимизга ҳамоҳанг тарзда Бош қомусимизга ҳам ўзгартириш ва қўшимчалар киритиш билан боғлиқ ислохотлар амалга оширилмоқда. Шу муносабат билан “Адолат” социал-демократик партиясини томонидан республикамизнинг ҳудудларида тадбирлар ташкил этилиб, фуқароларнинг мазкур масала юзасидан таклиф ва мулоҳазалари ўрганилмоқда.

## ИСЛОХОТЛАР ЯНГИЛАНИШЛАРГА ҲАМОҲАНГ БЎЛИШИ ЛОЗИМ



Ана шундай тадбирлардан бири “Адолат” СДП Сийёсий Кенгаши Марказий аппарати ташаббуси билан Жиззах вилояти Монополияга қарши курашиш ҳудудий бошқармаси мажлислар залида “Конституциявий ислохотлар – инсон шаъни ва кадр-қиммати учун” мавзусида бўлиб ўтди.

Тадбирни партия вилоят кенгаши раиси Ориф Шукуров кириш сўзи билан очди ва Янги Ўзбекистон тараққиёт стратегияси учун мустаҳкам ҳуқуқий пойдевор яратиш масалалари бўйича ўз фикр-мулоҳазаларини билдирди.

Шундан сўнг сўзга чиққан партия Сийёсий Кенгаши раиси Баҳром Абдухалимов

Янги Ўзбекистонни бунёд этиш ҳар бир фуқаромизнинг асосий мақсадига айлангани, бу мақсад мамлакатимиз Бош қомусига ўзгартириш ва қўшимчалар киритишни, яъни, конституциявий ислохотларни амалга оширишни кун тартибидеги асосий вазифалардан бирига айлантирганини, бу шунчаки қилиниши лозим бўлган иш эмас, балки юртимизда олиб борилаётган улкан ислохотлар даври – учинчи Ренессанс пойдеворини барпо этишнинг муҳим шарти эканлигини таъкидлади.

Ҳақиқатан ҳам, мамлакатимизда амалга оширилаётган кенг қамровли ислохотларда инсон шаъни ва кадр-қимматини ҳурмат қилиш, унинг ҳуқуқларини олиқ-

адрият сифатида эътироф этиш каби ғоялар ўз аксини топмоқда. Юртдошларимизнинг онгу тафаккурида рўй бераётган ўзгаришлар, уларнинг ён-атрофдаги воқеаларга муносабати, дахлдорлик ҳисси, сиёсий фаоллиги ва фуқаролик позицияси тобора ўсиб бораётгани ҳам эътиборга моликдир.

Тадбирда партия фаоллари ва иштирокчиларнинг фикр-мулоҳазалари тингланиб, давлат ва жамият тараққиётига дахлдор таклифлар эътиборга олинди.

Тадбир сўнггида фаолларга партиянинг ташақкурнома ва эсдалик совғалари топширилди.

Жиззах вилоят кенгаши матбуот хизмати

Бугунги сонда

1 НУРОБОД ТЕЛЕ-ТИББИЁТГА УЛАНДИ

2 АВВАЛЮ ИНСОН БЎЛ...

3 8 ТА ДЕПУТАТЛИК СЎРОВИ ЮБОРИЛДИ

4 БОСМА НАШРЛАРНИНГ КЕЛЖАГИ БОРМИ?



### Машҳурларнинг аёллари

## ЖУРНАЛИСТНИНГ НОНИ ҚАТТИҚ



27 июнь – Матбуот ва оммавий ахборот воситалари ходимлари куни, яъни касб байрамимиз арафасида шоир ва носир, “Зарафшон” газетаси мухбирлигидан Самарқанд вилоят телерадиокомпанияси, “Ўзбекистон овози”, “Инсон ва қонун” газеталари мухбирлигига бўлган захматли йўлни босиб ўтиб, “Регистон”, “Кўксарой” газеталари ташкилотчиси, “Зарафшон” ва “Самарқандский вестник” газеталари бирлашган тахририяти бош муҳаррири, халқ депутатлари вилоят Кенгаши депутати, Ўзбекистон Журналистлари ижодий уюшмаси вилоят бўлими раҳбари, “Меҳнат шухрати” ордени соҳиби, сенатор даражасига эришган ҳамкасбимиз, таниқли журналист Фармон Тошевнинг рафикаси, халқ таълими тизимига муносиб ҳисса қўшган меҳнат фахрийси УЛМОН ТОШЕВА билан суҳбатлашиш умидида “Шарқ” тезيور поездида Самарқанд томон яқинлашар эканман, не-не улуг зотлар ўтган бу табаррук замин буюқларнинг издошларини камолот чўкқисига элтаётганига ва яна улғайтираверишига ишончим ортди.









